



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

17 Ex quibus indiciis posset iudex reum subjicere torturæ.

[urn:nbn:de:hbz:466:1-72459](#)

D V B I T A T I O X V I .

Quibus modis aperiatur via Iudicii, praesertim seculari, ad inquisitionem.

¹⁴³ **R**espondeo, Multis modis, de quibus iam ex parte dictum est supra.

Primus est, Si delictum sit notorium, & auctor quisit. aperitur.

Secundus, Si auctor sit notorius. Probatur autem aliquid esse notorium, per duos testes, ut docet Glossa in cap. Deus omnipotens. 2. q. 1.

Tertius, Si sit fama de auctore. In hoc tamen & secundo casu Iudex primò debet capere informaciones, an sit revera notorius auctor, vel an sit fama de illo. Ad probandum famam sufficiunt duae testes, ut omnes fatentur, hi tamen non debent restari se audiuisse à maiori parte populi, (ut vult Glossa in L. 3. 5. Eiusdem. 2. de probationibus, quam plerique Iurisperitorum sequuntur) sic enim vix vnde posset fama probari, ac proinde modus iste procedendi esset inutilis : quis enim est, qui cum maiore parte oppidi aut viciniae loquatur, aut aduertat se locutum sed latiss est ut testen- tur se ita publicè audiuisse, vel ita passim dici, ut docet Baldus in cap. Litteras. 14. num. 2. de præsumptionibus, & alijs, sicutque passim seruat, teste Claro quæstione 6. debent tamen nominare à quibus audierint ; ut sciat famam habuisse originem ab honestis & probis, & testes non fingere. vnde si non nominarent eos, non probarent famam in criminalibus.

Habita informatione de infamia, si infamatus est præfens, debet illum Iudex interrogare de veritate criminis, ut si fateatur, illum puniat: sin minus, ut inquisitionem contra eum formet. si est absens, debet illum citare, & significare se intendere contra illum de tali crimen, de quo est infamatus, inquisitionem facere.

¹⁴⁵ Aduerte tamen, si Iudex absque informatione de infamia, processerit ad inquisitionem specialem, nihilominus valet processus, & potest reus condemnari : si tamen reus præfens non excepterit ; ut colligatur ex cap. 1. & 2. de accusat. in 6. & docet Nauarrus n. 91. in Rubr. de Iudicis. quod si statim excepterit, & Iudice volente prosequi, appellauerit, non valet processus : quia per appellationem, Iudicis potestas suspenditur.

Quartus est, Si sit communis suspicio de auctore, de quo supra num. 130.

Quintus, Quando de aliquo sunt indicia judicialiter probata. haec enim cum pariant quamdam Iuris notorietatem ; possunt pro infamia & ficto accusatore haberi ; ut ait Nauarr. supra num. 78. & 96.

Sextus, Quando est semiplena probatio : ut si crimen ipsum sit notorium, & accedat vnu testis omni exceptione maior, de auctore. non enim minus haec semiplena probatio inducit auctorem in publicam notitiam, quam indicia probata, aut infamia, est enim plus quam infamia, cum fama non prober, ut dici solet, sed tantum accusetur. vnde mirum est, Sotum & Nauarrum concedere de indicis, & negare de semiplena probatione. Confirmatur, quia nisi Iudices habita semiplena probatione possint inquirere testes, bona pars male-

ficiorum manebit impunita, cùm testes non se sponte offerant.

Septimus, Si pars offensa querelam offerat, & indicia vel testes, à quibus informari possit, Iudici ¹⁴⁷ Querela insinuet : tunc enim Iudex potest ab illis informa- ^{partes of- fensa.} tiones de plano, ut dicitur, & absque strepitu acci- pere ; quibus vbi latiss instructus fuerit, poterit ci- tare criminofum, & contra eum inquisitionis li- bellum formare. Ita Clarus q. 10.

Octauus, Si publicus officialis, vel alius denun- tiat judicialiter, & testes vel indicia significet. de quo vide Claram q. 7.

Aduerte tamen, nihil debere denuntiare, nisi quod bona fide putat legitimè per testes vel indicia posse probari ; ut supra dictum est.

Nonus, Quando pars impingit crimen testi, ut contra illum excipiat, & illud probat, eti non omnino plenè; tunc enim Iudex de eo inquirere potest, si ad eum iuridictionem pertinet, ut docet Clarus q. 19. hoc enim est necessarium ad causæ progres- sum : alias illa probatio efficit illum publicè su- spectum, vnde est instar infamie.

Decimus, Dum quis intenta actionem ciuilem, ut sibi damnum faciat ex delicto : ut, ex incen- dio, homicidio, vel furto illarum : tunc enim po- test Iudex etiam contra illud delictum procedere ; quia iam factum quasi notorium. Idem Clarus quæst. 19.

Vndeclimus, Si delictum sit commissum in iudi- cio, ut supra dictum est.

Duodecimus, Si reus vel testis incidenter con- fessus sit in iudicio ; Clarus q. 19.

Duo tamen Notanda. Primum est, In omnibus ¹⁴⁸ casibus, quibus potest Iudex procedere ex officio, Fiscalis, posse constituire fiscalem, qui partes accusatoris accipiat; ut docet Gomezius to. 3. c. 1. n. 10. quod in- tellige, si aduocatus fiscalis ordinarius non sit con- stitus.

Alterum est, Non posse formari libellum inqui- sitionis contra reum, nisi legitima indicia præcedat, qua sufficerent ad ipsum iuridice interrogandum, si præfens esset ; & è conuerso, dum præfens est, non potest iuridice interrogari, nisi adiunt indicia, qua sufficiant ad faciendam inquisitionem contra abuentem. non enim procedendum est ad inqui- sitionem formandam, nisi quando reus citatus ut respondeat, vel negat, vel non comparet, ut docet Clarus quæst. 20. num. 3.

D V B I T A T I O X V I I .

Ex quibus indicis posset Index reum subducere torture.

¹⁴⁹ **N**otandum Primò, Indicia à Iurisperitis gene- ratim vocari omnia ea, ex quibus potest ali- quo modo colligi quis sit auctor criminis ; ut fa- ma, suspicio publica, testimonium vnius vel plu- rium, confessio Rei, & similia.

Notandum Secundò, Distingui quinque gra- ^{In dieis- rum sunt gradus.} dūs indiciorum. In primo gradu sunt levia, pro- babilis tamen, qua probabilem suspicionem de quinque gradus. auctore criminis commouent. In secundo sunt levia probabiliora, qua faciunt præsumptionem, id est, valde probabilem suspicionem. In tertio sunt indicia grauia, qua & legitima & indicia lu- ris vocantur. In quarto est probatio semiplena. hæc

hæc enim amplius quid est, quam indicium legitimum. In quinto sunt indicia grauissima, quæ & indubitate dicuntur.

150 Indicia primi & secundi generis sufficiunt ad capienda informaciones, & etiam ad capturam, spectata conditione personæ & causæ, & ceteris circumstantiis. huiusmodi sunt, assertio vulnerati morientis, ut si dicat se à Petro vulneratum; grauis iniuricta præcedens assertio socij, qui sicuti criminis detegit. hæc autem indicia non sufficiunt ad formandum libellum inquisitionis contrarialem, neque ad torturam, quia ad hæc requiruntur indicia grauia; & maximè ad torturam, quæ est graue malum, quod sine graui causa irrogari non potest.

151 Notandum Tertiò, Torturam esse introducētam non in poenam criminis commissi; (hoc enim cum nondum sit plenè probatum, non potest puniri) sed in subsidium probationis; vt quia sufficiens & plena probatio deest, ipse reus confitendo veritatem, supplet quod ad plenam probationem requiritur: vt docet Couarru. prætic. quæst. quæstionē 23. ex communī sententia DD. & Clarus quæstionē 64.num.6. Vnde sequitur, torturam adhiberi non posse, nisi quando crimen est semiprobatū, vel quando vehementia indicia vrgent, ita ut ferè moraliter certum sit, ipsum auctorem esse. In hoc autem casu eam adhiberi posse ad confessionem, est consentaneum rationi naturali. si enim non possit, improbi audacter & impunè peccarent, damna & iniurias alii inferrent, quando putarent se testibus, vel externis indicis non conuincendos. cum vero vident ex indicio vel vno teste tormentis subiiciendos, se continent. Accedit, quod pleraque maleficia grauissima non possint puniri; quia paucis vel nullis consciens committuntur, cum tamen id ad bonum Reipublice sit necessarium: alioquin omnia sceleribus & sceleratis essent plena. Nec obstat, interdum fieri ut innocens torqueatur; quia in rebus humanis non omnia incommoda vitari possunt. etiam interdum fit ut innocens damnetur: non idem omne iudicium tollendum. satis est ea media, easque cautiones adhiberi, quibus maiora vitentur, etiā ijsdem interdum minora præter intentionem eveniant.

Notandum Quartò, Torturam tantummodo adhibendam in criminibus gravioribus, quæ poena corporali, ut mortis, mutilationis, tritemum castiganda sunt, non autem in iis quæ exilio vel pecunia, ut docet Gomez. to. 3.c.13.num.2. Ratio est, quia reo nondum conuictus non potest irrogari poena, quæ sit maior quam illa ad quam est condemnandus.

152 Notandum Quintò, Iudicem non posse reum subiicere torturæ ad extorquendam criminis confessionem, quando legitimè est conuictus per testes, etiamsi nolit fati crimen, ut rete docet Nauarrus cap. 1.8.num.59. & Clarus quæst. 64.num.8. ratio est, quia cum tortura adhibenda sit in subsidium, ob defectum plenæ probationis, frustra inferreretur reo conuictus: quia confessio non est necessaria ad condemnandum.

Excipe tamen duos casus. Prior est, quando reus malitiosè appellat ad superius tribunal, ut executionem iusta sententia impedit: quod in Italia & regno Castellæ permititur, si non sine confessi crimen; vt testatur Nauar. tunc enim si crimen esset atrox, ut latrocinium, sacrilegium, &c.

& expediret reum ibi puniri, possit torqueri ad elicendam confessionem, vt iniqua appellatio impediatur.

Alter est, quando putatur habuisse socios, vel commississe alia crimina; tunc enim etiam per torturam potest de his interrogari, moderata tamen, pro ratione cause & indiciorum. Ita seruat tota Italia & Francia, teste Claro q. 64.nu. 8. debet tamen de illis esse semiplena probatio, vel indicia æquipollentia, ut ex supradictis colligitur. His positis

153 Dico Primo, Ad torturam sufficiens semiplena probationem, si tamen persona talis sit, ut torqueri possit, est communis sententia DD. teste Claro l. 5. q. 21. n. 2. & Gomez cap. 13.nu. 7. tunc autem est semiplena probatio, quando vnu testis, contra quem nulla est exceptio, deponit se vidisse hunc tali loco & tempore occidentem, v.g. Petruin; auferentem hoc vel illud è tali domo. quod si non viderit, sed audiuerit à fide dignis, aut si contra illum sit aliqua exceptio, vt si sit mulier, aut minor viginti annis, aut infamis, excommunicatus, inimicus, eius depositio non facit indicium sufficiens ad torturam. Vnde grauiter reprehendendi Iudices, qui ex tali indicio absq; vlo alio probationis adminiculo torquent; quia ius id illis non permittit: vnde iniuriam reo faciunt, & ad restitutionem damni securi tenentur. sufficit tamen tale indicium ad capiendas informaciones de auctore criminis, ut habet praxis passim recepta.

154 Dixi, Si reus possit torqueri: quia quidam Iure prohibentur torqueri, idque vel ob ætatem, vt impubes: (id est, qui nondum impletur quatuordecim annos) vel ob debilitatem, vt senes; possunt tamen hi terreri & leuiter torqueri: vel ob periculum abortus, vt mulier prægnans; quæ etiam post puerperium differenda est, donec vires confirmatae; vel ob priuilegium, vt vir illustris: aut in dignitate constitutus, eiusque filii: & Doctor, eiusque libeti: & miles; de quibus Gomez cap. 13. numero 3. & Clarus quæstionē 64. hi ne leuiter quidem torqueri possunt, etiamsi sit semiplena probatio contra eos: nisi in heresi vel proditione, vel simili crimine læsa Maiestatis. Si in aliis torti fuerint & confessi,

quamvis postridie confessionem suam ratificant, non possunt tamen condemnari; quia confessio fuit irrita, utpote per iniuriam extorta, & consequenter ratificatio, quæ ex illa sequitur. colligitur ex L. pœnultim. 7. de quæst. à paritate rationis, vbi dicitur, confessionem factam in tormentis, non præcedentibus indiciis, esse nullam, etiamsi sequatur ratificatio. & ex L. Non dubium. 5. C. de Legibus; & ex aliis Iuribus, quæ citat Gomezius numero 4. Adde, neque ex huiusmodi confessione posse inquisitionem institui, vt docet Nauarrus rubr. de iudiciis, nu. 86, possunt tamen secundum Gomezium & alios Iurisperitos, terreri verbis; & si confessi fuerint, valet, tamquam confessio spontanea. Colligitur ex L. Item apud Laboneum 15. §. Quæstionem. 41. π. de iniuriis; Questionem, inquit, intelligere debemus, & tormenta & corporis dolorem ad eruendam veritatem. nuda ergo interrogatio vel leuis territo non pertinet ad hoc edictum vbi Glossa & communiter Doctores ita tradunt.

Nec obstat, Iure paria censi torturam, & eius terrorem seu comminationem, argumento L. Novissimè. 7. Quod fallo tutori auctore: ac proinde talem confessionem huiusmodi comminatione elicita, non esse validam censendam: illud enim de

de terrore propinquu intelligendum est; ve cùm quis spoliatur & ligatur, vt pater ex d.L. Item apud Labeonem: non autem de remoto, qui in solis verbis & nuda machina offensione fuit, vtterius nihil adhibens quo casu Iura presumunt illam fuisse spontaneam, vt colligitur ex L. allatis. Si tamen ex circumstantiis moraliter constet non fuisse reuerà talem, sed extortam per metum, ita vt metus fuerit causa confessionis illius, non est sufficiens ad condemnandum, nisi sequuta fuerit libera ratificatio.

156 Dico Secundò, Prater semiplenam probationem, etiam alia quedam indicia minoria, quām semiplena probatio, sufficiunt ad torturam: quorum præcipua sunt hæc.

Fama publica. Primum est, Fama publica de auctore criminis, præsertim si aliquibus aliis administris iuncta sit, vt si ei accedat aliquis testis minus idoneus: vt affertio socij, vel minoris, vel si appareat vestigium facinoris in veste, armis, &c. Quidam putant famam famam sufficere, per duos testes probatam, Ita Gomez. num. 10. Sed verius est, regulariter famam non sufficere absque aliis indicis, vt docet Clarus q. 2 i. nu. 1. ratio est, quia fama in criminalibus non probat, sed se habet in star aculatoris: estque indicium remotum & fallax. deinde suppedit Iudici alias rationem cognoscendæ veritatis, nempe per inquisitionem.

Duplex fama sufficit. Adverte tamen, si quis iam esset mala fama de similibus delictis ante commissis, & etiam publica fama grauaretur in praesenti delicto, hic potest torqueri, quia fama prior adiuncta posteriori, facit vehementer presumptionem, vt ibidem Clarus docet.

157 **Confessio Rei extra iudicium.** Secundum est, Confessio Rei extra iudicium. vt si apud aliquos (salmē apud duos) se iactauerit de crimen, vel dixerit se auctorem, est communis sententia DD. vt docet Felinus in cap. Olim. 25. de re scriptis. num. 5. & Gomezius suprà. nu. 8. debet hoc tamen probari per duos testes omni exceptione maiores, si neget se dixisse: quia debet omnino de tali indicio constare, vt docet idem Gomezius num. 18. & 19. cūm enim crimen ipsum non certe concludatur ex tali indicio, est de indicio constat, si ipsum quoque indicium dubium est, ita vt non constat an existat, aequitas non pautur vt quis propter illud torqueatur ad criminis eliciendam confessionem.

158 **Coram iudice alieno.** Idem dicendum de confessione facta coram Iudice incompetente: id est, qui non habet potestatem cognoscendi in causa, eo quod vel reus non sit ipsi subditus, vel causa sit exempta: et si enim ex tali confessione reus non possit condemnari à proprio Iudice, (vt patet ex cap. At si Clerici, de iudicis) potest tamen torqueri, tamquam ex indicio, quod maximum præsumptionem criminis ingerit. debet tamen illa confessio non esse extorta metu tormentorum, sed metu probationum, vel omnino esse spontanea.

159 **Confessio extra iudicata in tortura.** Quod autem multi iurisperit cum Bartolo in L. 1. §. Diuus Seuerus. & de questionibus, docent confessionem extra iudicialem ita valere ad torturam, vt si reus in tortura idem confiteatur, possit condemnari, etiam si postea non ratificetur confessionem; verum non est, si de condemnatione ad paenam ordinariam criminis intelligatur; quia confessio in tormentis, præcedentibus indicis facta, semper requirit perseverantiam & ratificationem:

nen: alioquin est nullius momenti, cūm vi tormentorum certeatur expressa: quod confirmatur, quia confessio illa non est efficacior, quām semiplena probatio: atqui si quis torqueatur post semiplenam probationem, & in tortura confiteatur, adhuc requiritur ratificatio post torturam: ergo etiam in hoc casu, possit tamen ob huiusmodi confessio nem extra iudiciale imponi aliqua pena extraordinaria; quia in iniuriam alterius viuis est se de criminis iactasse, vt notat Abbas, & communiter DD. in cap. Quām sit graue, 9. de excessibus Praetatorum.

Aduerte tamen, confessionem factam sacerdoti, tamquam locum Dei tenenti, ad obtinendam remissionem, nullum effectum operari ad torturam aut inquisitionem, aut ad ullam informationem, etiam si iniquus sacerdos cam patefaciat, & crimen deducatur in publicum, ita vt omnibus de eo constet, vt communiter docent omnes Theologi, & Canonistæ, argumento cap. Si Sacerdos, 2. de Officio Ordinarij, & Baldus in L. Archigerontes. C. de Episcopali audient, ratio est, quia quod poenitens confitetur, non dicit vt homini, sed tamquam Deo ipso, & iudicium planè diuinum exercent, unde ita secretum manere par est, nec magis nocere debet, quām si soli Deo dictum esset, patet consequentia, quia reuelatio eius, & quidquid ex vi istius reuelationis agitur, cedit in iniuriam Dei, cui tale secretum commissum est. Addit, quod alioquin tantum Sacramentum, omnibus qui crimen occultum commiserint, suspectum redderetur, cum magna Dei iniuria, (qui illud securum esse voluit tamquam suum tribunal) & animarum pernacie. vide Solum de secreto, membro 3. q. 1. conclus. 5.

Tertium indicium est, Afferio duorum vel trium sociorum, quando enim duo vel tres capti fatentur crimen, & produnt aliquem socium criminis, potest hic capi & tortura subiici. Ita Clarus q. 21. num. 10. diciquid ita seruari in regno Neapolitan & Gallia. Debent tamen tunc cum iuramento depondere, quia agunt vt testes, hoc autem intelligi debet, quando non est iusta suspicio id ex malevolentia profici. Dictum vnius socij, etiam si iuramento confirmetur, non facit indicium sufficiens ad torturam, nisi alter simul infamia vel graui suspicione illius criminis laborebat, quia per se est testis minus idoneus; qui tamen cum fama potest vehementer præsumptionem parere. Ita Clarus numero 4.

Porrò de sociis reus interrogari potest etiam per tormenta, quando constat vel fama est socios habuisse, aut quando crimen est tal, vt regulariter sine sociis non committatur. tunc enim ob famam sociorum iudici fas est de sociis exquirere, postulat hoc etiam bonum publicum, vt sic crimina compescantur. est communis sententia, teste Gomezio cap. 12. nu. 16. In hoc tamen casu confusum est, vt reus ante condemnatur, & post sententiam disponatur per confessarium, vt reuelet sponete omnes socios, quos putat à maleficis non abstinentes. sic enim ad socios eliciendos non erit magnis tormentis opus.

Afferio vulnerati persistens in ea vñq; ad mortem, non facit indicium ad torturam, vt expresse haberur L. Si quis in graui, 3. m. ad S. C. Silianum, & ratio est, tum quia non dixit iuratus, sicut debet testis dicere; tum quia præsumitur ex offensione aliqua vel errore dixisse. Sufficit tamen ad captiu-

Confessio facta sacerdoti.

Affirio sociorum.

Quæsito exercitio ut soci reuelentur.

Consilium.

Affirmatio iei.

¹⁶⁴ capturam & ad informationes capiendas, idque non tam Iure scripto, quam consuetudine, teste Gomezio cap. 3. num. 16.

Fuga.
Quartum indicium est, Fuga statim patrato delicto inita, habeatur exprelse L. Lege Cornelia, 25. & ad S. C. Silianum, si tamen citatus compareat, absterget omnem suspicionem. Crediderim tamen cum fuga coniungendam famam & communem suspicionem, ut ordinariè sit; alioquin fugam solam non sufficiere. quod notatur in Additionibus ad Clarum qu. 21. num. 18. quod si quis fugiat, cum videt de se capi informationes, vel dum citatur, talis fuga non est sufficiens ad torturam, ut tenet communis opinio, teste Claro n. 23. quia habet causam timendi, cum se peti videt, etiam si sit innocens.

Inimicitia. Quintum indicium est, Inimicitia grauis, non sola, sed cum aliis indicis ex ea pendentibus, ut si ante minatus est, & minas suas solitus sit exequi; si paravit arma, & visus est circa illum locum eo tempore, quo homicidium putatur commissum, tenet Bartol. in L. final. & de questionibus, & alij Doctores passim.

Inconstansia Rei. Sextum est, Inconstansia & titubatio Rei, dum examinatur circa principalia causæ, inneta alijs indicis; ut docet Clarus num. 30. sola tamen titubatio, ut solum mendacium, non sufficit. Spectanda etiam est conditio personæ, & causæ: quidam enim ita perturbantur illo examine, ut vix sciant quid dicant.

Septimum indicium est, Si quis visus sit exire ex aliqua domo vel loco cum ense stricto, & ibi reperiatur aliquis interfactus. Ita Gomezius n. 11. & multi iuri perit, quos citat.

¹⁶⁵ Si res apud reum revereatur. Octauum indicium ad torturam est, Si res sublata, reperiatur apud reum; nisi docere possit, unde eam habeat. Ita communiter DD. teste Gomezio num. 12. & Claro nu. 41. hoc tamen limitant DD. Si est persona vilis, & de qua non sit bona opinio. feci si sit bona fama: nam interdum fieri potest ut res aliena sit apud nos, nescientibus nobis, & fine nostra culpa.

¹⁶⁶ Repentina diuisa. Nonum, Si commissio aliquo magno furto, cuius resecurit auctor, aliqua vilis persona, qua ibi crebro versari solet, apparet repente diues: illis enim circumstantiis concurrentibus nascitur maxima præsumptio contra eam, qua sit sufficiens ad torturam, ut ex communī sententia DD. docet Gomezius num. 13. Hæc ferè sunt præcipua indicia à Doctoribus explicata, ex quibus cetera prudenter estimari poterunt. nam tota ferè hæc res prudentia Iudicis relinquitur, qui in re tanta magna circumspectione procedere debet, ne proximo contra lus & fas torturam inferat, aut maiorem quam par sit.

¹⁶⁷ Emissio sanguinis è corpore occisi. Petes Primo, Vtrum sit sufficiens indicium ad capturam & torturam, quod recens occisus emitat sanguinem per vulnus ad presentiam huius, & nō ad praesentiam aliorum. Quidam affirmant: unde etiam aliqui Iudices eo indicio vtuntur, & reprehendunt eos culpabiles, quibus id contigit.

Sed contrarium tenendum est cum Gom. n. 15. quia hoc indicium est nobis incertum, vt pote ex cauſis nobis ignotis. non enim constat an id fiat operatione divina in detestationem homicidij, & ut sic homicida occultus patefiat; an ex aliqua causa naturali, ut ex imprestione aliqua affectionum animæ in languinem & spiritum, quæ ad præsen-

tiam rei inimicæ veluti ad repugnandum concitate; an fraude aliqua diaboli.

Idem dicendum sentio de probatione illa per immersio aquam, qua Iudices aliqui feminas sortilegi suæ veneficariæ spectas, solent in aquam certo modo ligatas int. in aquam. cere: quæ si mergantur, absoluuntur; si mergi nequeant, adjudicantur tortura, qualibet hoc sit indicium sufficiens ad torturam: incertum enim est illud signum. nam si id opera demonis agitur, ut omnino agi videatur, incertum est an ille non permittatur aliquando hanc calumniam truere innocentibus. Itaque visitatis, & iam olim probatis indicis vtendum est, ne in re proximo tam detimento erretur.

Petes Secundo, Vtrum reus possit sapienter queri.

Respondeo Primo, Si nihil confessus est, non questionis potest sapienter torqueri, nisi indicia sint grauissima: subdentes. quia per illam constantiam videtur indicia elisa. Secundo, Si tamen noua indicia superueniant, repeti quæstio potest, ut habetur L. Vnius, 18. & de questionibus, in principio. Tertiò, Si quæ confessus in quæstione est, postridie teuocet, verius est rufus subiici posse, etiam si noua indicia non superuenient: quia per tales reuocationem indicia non sunt elisa; imò illa variatio nouum indicium videtur fecisse. Adde, si non posset repeti, totum hoc remedium est sit' vlo effectu. nam nemo ratificare suam confessionem, si putaret in se non posse amplius quæstionem exerceri.

Aduerte tamen, ne in actu tam odioso procedatur absque termino, in hoc casu reum non debere subiici quæstionibus plusquam ter. Itaque si tertio tortus, & in tormentis confessus, tertio etiam ductus ad ratificandum, reuocavit, non potest condemnari, imò debet absoluiri, ut docet Gomezius num. 27.

Petes Tertiò, Vtrum reus aliquando ex indicio possit condemnari?

Respondeo, Verius est non posse condemnari ad poenam ordinariam criminis; quia etiæ violentissima inde capiatur præsumptio seu suspicio; (ut quando est indicium, quod Doctores vocant indubitatum) tamen nō habetur certitudo; ut si quis visus sit facie pallida cum gladio cruento egredi ē domo habente vnu tantum aditum, & ibi reperiatur alius recens interfactus. fieri enim potest, ut alius fecerit: vel ut ipse quidem fecerit, sed causa defensionis. Item si confiteretur decubuisse eodem lecto, & alia huiusmodi. In criminalibus enim debent esse probationes luce meridiana clariores, ut dici solet, & colligitur ex L. Absentem. 5. & de penis. & docet Bartolus & alij in illam Legem. Posset tamen in eiusmodi eventu condemnari ad poenam extraordinariam minorem, prout Iudici videbitur, & causa postulabit: quod recipiūt esse testatur Clarus suprà lib. 5. q. 21. nu. 40. ubi etiam dicit, in arbitrio Iudicis positum esse; tales vel graui quæstioni subictere, vel pena extraordinaria punire.

Quod probari potest Primo, Quia Iure naturæ ad puniendum reum non requiritur nisi certitudo moralis publica. atqui sapienter ex indiciis vel semiplena probatione, præterim quibusdam aliis adminiculis suffulta, potest haberi certitudo moralis; imò tanta quanta ex testimonio duorum: ergo poterit aliqua pena infligi, etiæ non ordinaria, eo quod delit illa probatio quam lus posse.

posituum ad poenam ordinariam requirit.

Secundo, Quando quis laborat infamia criminis, & defuncta probations, nec expedit adhiberi inquisitionem propter scandalum, vt si persona sit Ecclesiastica vel grauis, potest ei indici purgatio canonica, assignatis ei certis compurgatoribus, in qua ipse iuret se tale crimen non commis-
se, & compurgatores iurent se credere illum verum dicere; vt habetur variis capp. tit. de purgat. canon. Et si non plene poterit purgare, potest ei infligi poena, sed minor quam sit ordinaria, pro arbitrio Iudicis; vt docet Panorm. c. Accedens. 23. nu. 5. de accusatione: sed inde non habetur maior certitudo quam ex vehementissimis indiciis, vel probatione semiplena, praesertim quibusdam indiciis adiuta. ergo poterit similis poena irrogari.

Tertiò, Sapè ipsa indicia culpam secum trahunt; quia non solum ab omni malo, sed etiam ab omni (specie mali) abstinentiam, iuxta Apostolum, ergo vel ob culpam huiusmodi indiciorum, pos-
sunt aliqua poterit interrogari.

Atque hæc sententia non solum apud regulares, vbi modus iuridicus non est tam strictè obser-
vandus, (vt cap. Qualiter & quando, sub finem in-
singuinatur) & crimina de quibus moraliter con-
stat, non debent relinqui omnino impunita; sed etiam in foro saeculari & Ecclesiastico locum ha-
bet, vt Clarus & Panormit. suprà, & alij qui ab
his citantur, docent, quia aquitatem naturali niti-
tur, nec Iuri scripto repugnat, & consuetudini
plerisque locis recepta est conformis.

Excipluntur tamen à DD. aliqui casus à legibus approbati, quos refert Gomezius cap. 12. num. 2. 5. in quibus Iudex potest aliquem ex indiciis poena ordinaria plectere.

Primus est, Si alicui ter denuntiasti, ne tuam vxorem alloquatur, & postea reperiatur aliquo loco cum illa colloquens; puniri potest poena ordinaria adulterij, vt habetur in Nouel. consti-
tu. 117. Iustiniani, cap. 15.

Secundus est, Si Officialis fugit tempora syndi-
catus: habetur enim pro confessio. L. Consiliarios. C. de affeßiboribus.

Tertius est, Si quis sit infamatus de simonia, &
non possit se purgare, debet condemnari perinde ac si crimen esset probatum. cap. De hoc. 11. de
simonia.

Quartus est, Quando aliquis Clericus deficit in purgatione heretis, punitur vt coniunctus, &
depositus ab officio & beneficio, dereludit in Monasterium ad penitentiam. cap. Inter solicitudes. 10. de purgat. canonica, in fine.

D V B I T A T I O X V I I I .

Vtrum Iudex teneatur ad restitutionem
hereditibus Rei, si postquam preter ordi-
nem Juris crimen vel extortis, vel de-
prehendit, reum condemnnet.

171 Condensans R espondeo & Dico Primo, Certum est, Iudi-
cem teneri ad restitutionem, si condemnem
non subditum, aut in crimen exemplo. Probatur,
quia facit ei manifestam iniuriam: et si enim iste
dignus erat morte, Iudex tamen ille non habebat
auctoritatem illum puniendi: atqui ex iniuria na-

sicut obligatio restituendi, si ex ea damnum se-
cutum sit: ergo, &c.

Notandum tamen, si proprius Iudex, qui legitimi-
mè poterat reum condemnare, ratum habeat seu *Iudex po-
robat ratifi-
care.*
approbat factum alterius, illum liberari obligatio-
ne restituendi. Ratio est, quia hoc ipso, quo Iudex
proprius ratum habet alterius iudicium, vult illud
ex hoc tempore censeri tamquam à se factum; ac
proinde liberat illum obligatione restitutio-
nis. hec-
ut enim Iudex poterat reum per se condemnare, si
ad eum missus fuisset; ita poterat etiam alteri cog-
nitio-
nem causæ permittere, & factum alterius ratum
habere, & approbare, quod ad substantiam
operis attinet; & consequenter condonare obliga-
tionem restituendi, ortam ex defectu debitæ pot-
estatis. Confirmatur; quia qui habet potestatem
confiscandi & auferendi omnia bona tua ob cri-
men à te commissum, potest liberare obligatione
restituendi eum, qui bona illa per iniuriam vasta-
uerit: ergo similiter qui habet potestatem aufer-
endi vitam propter crimen commissum, potest
condonare obligationem restitutio-
nis ei, qui per
iniuriam illam abstulerit. hac tamen intellige co-
casu, quo Iudex proprius erat satis instru-
tus ad illum condemnandum, & poterat alteri cognitio-
nem committere. si enim ipse illum condemnare
non poterat, non potest etiam condonare obliga-
tionem danini sarcendi, quod ab altero per ini-
quam damnationem est illatum.

Dico Secundò, Etiam Iudex proprius, qui con-
demnat reum vel ex priuata scientia, vel ex cogni-
tione per iniuriam extorta, ad restitutio-
nem tene-
tur. Ita Sotus de secreto, membro 3. qu. 1. concl. 5.
Nauar. cap. 18. n. 59. & alij. Ratio est, quia quan-
do ex priuata scientia condemnat, facit iniuriam
reco, tamquam Iudex minime competens: nam non
est ei concessa talis auctoritas, nisi forte rarissimo
casu, vt dictum est suprà dub. 11. Quando autem
per iniuriam extorquet crimen, dat iniuste cau-
sam damni; vnde tenetur ad reparationem dam-
ni, quod ex illa cognitione iniuste parta sequitur.
Sicut si quis occultum crimen alterius patefa-
ceret, vnde contingeret illum condemnari, tene-
re tur ad restitutio-
nem, quia causam damni ini-
ste dedit.

Potest autem multis modis fieri vt per iniu-
riam crimen à Iudice extorqueatur, & conse-
quenter vt confessio sit nulla, nec poslit sequi
condemnatio.

Primo, Si Iudex à se ipso inquisitionem inchoet
nulla præcedente infamia, aut denuntiatione iuri-
dica, que viam inquisitioni aperiat, vt dictum est
dubit. 15.

Secundò, Si tormentis vel propinquo metu tor-
mentorum elicit confessionem, cum tamen non
essent indicia idonea ad torquendum. Nec refert
quod confessio fuerit postridie ratificata, quia hæc
ratificatio est ex causa iniuriosa, ac proinde est
nulla. L. Non dubium. 5. C. de legibus, & L. pae-
nult. 2. de quaestione.

Tertiò, Si erant quidem indicia ad torturam,
tamen persona non poterat torqueri, ob dignita-
tem, vel aetatem. Ratio est eadem, quia extorquet
crimen occultum per iniuriam, de quo Gomez.
cap. 13. num. 4.

Quartò, Si dolo induxit ad confitendum,
v. g. promittendo impunitatem. paria enim sunt,
confessionem esse factam dolo, & metu: vtraque
enim